

Ленинэнь киява

ВЛКСМ-нь Мокшэрэнь обкомонь ды Саранскоень ошонь комитетэнь газетаст

МАРТОНЬ

18 чи,

1937 ие

№ 32 (706)

ЛКСМ: 7-до но
чнь птэз

ДУБЕНКАНЬ РАЙАКТИВЕСЬ ТОНАВТНИ БЕРЯНЬСТЭ

Икеле, зардо Дубенкань райактивень комсомолецт партиянь историйань тонавнеманзо коряс пропагандистэкс ульнесь Тимашев ялгась, сестэ комсомолецтне пеняцязь сень лангс, што пропагандистэс а чаркодевистэ ловны лекциятнень, коськстэ ютавты занятиятнень ды лия эрва мезень кувалт.

Ней партиянь райкомось райактивень туртов максыт пек вадра пропагандист. Максытэ тест сыре партиецэнтэ **Выставкин** ялганть. Сон интереснойстэ, чаркодевистэ тейни лекциятнень, аволь коськстэ ютавты занятиятнень ды эрва занятиятнень аноксты эсь прынзо истя, што эрва кодамо вопрос лангс максыт ответ.

Апак вант весе тень лангс, яла теке зярды комсомолецт занятиятнень ютавты анокста ды кой китэ кодамоак уважительной причинавомо а китэ занятиятнень.

Мартонь 4 це чистэ сынтэ ульнесь очередной занятиятнень. Кем гавтово тонавтиятнень таркас састэ анык вейксэ, колмотне эсть са кодамоак уважительной причинавомо. Неть вейксэтьнень эйстэ конспект марто састэ анык Ласкин ды Великоростов ялгантне. Лиятнень жо конспектэс коевпангске лангсо, кой-конатнень жо конспектэс овси арасть.

Вана ушодовсть ютазь теманть коряс вопрос. Стрижкина Анна-нень, кона занятиятнень перть сермалесь мень бути запискинеть, ульнесь максыт колмо вопрос. Но сон пейдыкшнесь лепкшнесь лавтовонзо ды эзь стякшно отвечамоак. Зярдо жо пропагандистэс вешизе варштамс конспектэнь, сон истя жо пейдыкшнесь, истя жо аволь серьезна прынзо ветязь отвечасть пропагандистэнтэ каршо ды эзизе макст ванномс конспектэнтэкак. Истямо поведенияс овси а лади комсомолканень.

Урокот перть весе 9 ломаньтнень эйстэ максыт вопростнень лангс отвечасть анык Ласкин, Ломшин ды Великоростов.

Весе тевесь ашти сеньсэ, што сын ай анокстыть занятиятнень ды аволь серьезнасто ветити прыст занятиятнень, а кулсонить теманть коряс лекциянтэ.

Мезде кортыть весе неть фактэнь? Сын кортыть седе, што ВЛКСМ нь райкомось те шкасэшо кода эрви эзизе лада районсонть политтонавнеманть. Мень тонавт нема, зардо сонсь райактивесь занятиятнень сакшны конспектэме, зардо сынтэ ютксто пропагандистэс сынсь уйнить занятиятнень максыт вопростнень коряс. А ведь ВЛКСМ нь программасонть с е р м а д о з ы: „...ВЛКСМ-сь лови обязательнойк эрва комсомолецтнень политической образованиянь получамак”.

Эрви вицэ меремс, што Дубенкань ВЛКСМ-нь райкомось ды васняк сонзэ секретаресь Буянов ялгась мезеяк эзь чаркоть ВЛКСМ-нь Х-це с'ездэнтэ решениасто, сексынь беряньстэ аравтыть райактивень тонавтиманзо ды тень эйсь невтить корс а кирдевица пример весе районной организациянтень.

АНДРИЕН ЛЕЖЕННЭНЬ—90 ИЕТЬ

Парижской Коммунань участникесь

Ветерантнень пек парсте оборудовазь московской кудосонть эри Парижской Коммунань непосредственной участниктнень эйстэ вейке участникесь—Анриен Лежен, конань кис пек мелявтыть ды явить тензэ покш мель. Сонензэ ней 90 иеть. Сон парсте ды охотасо евтни 1871 иень героической читнеде ды тевтнеде. Леженэнь вайгелезэ сорны, зардо сон ледстни мирсэнтэ васеньце Коммунантэ емамонзо ды буржуазиянтэ кошмарной зверстватнеде.

Леженэнь ульнесь сестэ анык 24 иеть. Од ломань, аптекань робочей, лиятнень марто вейсэ ульнесь демонстрациясо.

Сыре коммунарь парсте повнясы, мезе теевсь Парижсэ мартонь 18-це чинть каршо вестэнтэ кодгемень кото иеде икеле. Революционной Парижсэ должен ульнесь емавомс вооруженной оплотонзо—национальной гвардиянтэ, косо ульнесь зярды тышат добровольц—Парижсэ трудият, конатнень правительствасэ „аволь осторожна” максыт оружия неприятелентэ эйстэ ошонть ванстоманзо туртов. Тьерэнь войскано должны ульнесь каявомс робочей районтнень лангс ды саемс тозонь пурназь национальной гвардиянтэ оружиеанзо.

Лежен венберть ульнесь ульцясо. Сон неIZE, кода войскантэ сень таркас, штобу панжомс тол гвардеецтнень ланга, велявтизсь ружият прикладост верев ды брата-ясть парижантнень марто. Венберть Лежен лиятнень марто вейсэ усксесь восставшей войскантэнь оружиеат Риволи ульцясо штаб-казармас.

Валске Тьерэнь правительствасэ оргодсь Парижсэ Версале. Революциясь изнякшность. Леженэнь сельмензэ икеле кежеявтозь толпась леднизе революциянь палачтнень—Леконт ды Клемано Том генералтнень.

Коммунась совась эсинзэ праватнес. Лежен повнясы Парижсэ кенярдкшныця вооруженной народонть, сонзэ кенярдксов весельяно, Коммунань вождьтнень васень эсь-келкэст.

Пачколесь май. Васень ударонть

эйстэ эсь прынзо витезь Тьерэсь сыргась Париж лангс.

— Баррикадатнень лангс!—марязевсь серьедема.

Лежен эсь ялганзо марто педесп вантась Парижсэ центранть молема таркатнень Пиреней ды Бельвиле ульцянтэсэ.

Сон эсь прынзо эзизе максо натой сестэяк, зардо кевень куцянтень, конань эхсэ од коммунарь парсте кекшнесь, ульцянтэ кувалма эсинзэ меткой пуляно холдтнесь, мольтэ колмо версалецт: сержант, капрал ды лейтенант. Леженэнь кундызь, кеместэ сюлмсийз пиксэ кедензэ ды ветизь.

Кандсь нарыгамот ды пыткат. Но вана пачкодсь судонь чыскак. Прокурорось вешсь ледема.

Леженэнь судизь кото иеть тюрьмасо аштеме. Наказаниянтэ ютавтомало мейле сон эщо цела не кандсь вачо-чи ды лишеният, кода мерить укшныця тюрьмасо—пароход лангсо, кона чуросто лоткесэ берекс ды конань лангсо эрвась стакасто ды муцявозь роботамс...

Ютасть сисем иеть. Физически ды моральна муцявозь, Лежен велявтсь Парижсэ. Сонзэ тов эзизь холда. Лежен кирдсь нужда, вачо-чи, яксесь оштинэва.

...Ламо иеде мейле, МОПР-ань нужас весе сбереженияно максыт, конатнень пурнызе трудонь вечкемань кувать эрямо-чисэнзэ, Лежен сась пингензэ прыдомомасторов, косо сыре коммунарь эсинзэ сельметнесэ неинзе Парижской Коммунантэ покш ды сочной лисевксэнзэ.

Лежен эри социалистической васеньце масторонть эрямосонзо ды кенярдкшнэсэ. Сон, советской школьниктнень ояст, сонсь почетной пионер. Лежен покш мельсэ следи газетатнень мельга, Испаниясо событиянтень мельга. Испанской орудиянтень зэрнемасонть, мужественной правительственной авиациянь моторинэнь уриомасонть, кона бороци азаргадозь фашизманть каршо, 1871 иень баррикадатнень участникесь мари а кулыця Коммунантэ икелень героической тевтнень пек умонь гайгемаст.

И. Родин.

(„Комсомольская правда“).

А. Н. Бах академи- кесь казезь

Ленинэнь орденсэ

Биохимиянтэ коряс, сех пек промышленностентэ нуждатнень обслуживаничсонть пек паро успештнень кис СССР нь ЦИК-есэ Ленинэнь орденсэ казизе А. Н. Бах академикентэ, сонзэ научной деятельностинтень ведьгемень иень топодеманть марто. Теде икеле Бах академикесь казезель Трудовой Якстере Знамянь орденсэ.

— о о о —

А. В. Александров ялганть максыт СССР-нь народной артистанть лем

Топодсть 30 иеть республикань заслуженной артистанть орденоносец нь **А. В. Александров** ялганть музыкально-педагогической деятельностинтень. Александров ялгась зярды иеть уш роботы якстереармейской моронь ды киштинемань ансамблянтэ художественной руководителекс. Те роботасонть сон пек покш успехт тейсь яктереармеецтнень ды командиртнень, робочейтнень ды колхозниктнень культурной обслуживаниянтэ коряс. Тень кис СССР-нь Центральной Исполнительной Комитетэс максыт Александров ялганть СССР-нь народной артистанть лем. СССР-нь васень маршалось, Оборонань Наркомось яволявтсь Александров ялганть благодарность ды казизе легковой автомобильсэ.

— о о о —

ВЛКСМ-нь ЦК-со

Вожатой— пионерской эрва отрядонтень

Комсомолонь зярды организациясо кармась улеме корс а кирдевица равнодушной отношения сень, што вожатонь аразь-чинть кувалт сезневи пионерской отрядтнень весе роботаст. ВЛКСМ-нь ЦК-сь специальной пуговксэ тень лови „комсомолонь программанть серьезной коламок”.

ВЛКСМ-нь ЦК-сь мерсь обкомтнень, крайкомтнень, ошонь комитеттнень, райкомтнень, истя жо ВЛКСМ-нь ЦК-нь пионерэнь отделтнень омбоце пель ковонь перть холдамс весе эсь вийтнень юной пионерэнь отрядтнень вожатонь кочкамонть. Пионерэнь отделтнень, —мерезь ЦК-нь постановлениясонть, —вообще а месьтейнемс, бути отрядтнэсэ арасть вожатойтэ.

ВЛКСМ-нь ЦК-со пионерэнь отделэнтэ весе работниктнэ улит кучозь таркава сень туртов, штобу комсомольской организациянтень лездамс вожатойтнень кочкамосонть.

Те постановлениясонть сех пек тешкстэ ВЛКСМ-нь ЦК-нь школьной комсортнэнь а виде практикст, конат комсомолонь комитетнэс якити прок „вещиц” ды „ходатайтэ”, сень таркас, штобу решительнойстэ ды кеместэ теэмс сень, штобу районной комитетнэ парсте кочкавольт вожатойтэ пионерской эрва отрядонтень.

Италиянь комсомолецтнень пельде серма

МОПР-нь обкомось вети робота лия масторонь пекстэзь политзаключеннойтнень марто, шевствует Гогоспедской (Германиясо) крепостентэ ды Рионаза (Испаниясо) островонть лангсо. Кучни сермат ды получахны ламо ответт.

Аволь умок МОПР-нь обкомось получаць серма Италиясто. Сермадыть Италиянь комсомолецт:

„Вечкема ялгат, комсомолецт! Неть читнестэ минь получинек сведения сень коряс, што пек-

стызь 200 ялганок, конатнень эйстэ судязь 4 иестэ саезь 20 иес.

Вечкема ялгат, неть вальтнень сермадыцятне яете ломанть, конат ульнесь пекстэзь ды эсист тюремной срокост ютавтыть одиночкань комнатасо, Сасо-рань тюрьмасонть”.

Те сермастонть пек парсте неяви, кода зверизь фашистнэ наргить од ломаньтнень лангсо, а максыть сынест эрямонь кодамоак возможность.

П. Кильдюшкин.



Паркось аноксты тундонть, цветниксэнтъ ерыть рассада клумбтнэнь. Аллеясонть керситъ коське моргтнэнь чувтнэнь эйстэ.

СНИМКАСОНТЬ: паркось роботникесь Лазонов ялгась керси коське моргтнэнь чувтнэнь эйстэ.

Кабай велень клубсо

Дубенкань районь, Кабай велень средней школасо комсомольской организациянтъ ды пионернэнь инициативаст коряс организоваз драмкружок, козонь руководителекс кочказь Нарушев ялгась.

Кружоксонть налксить эзянь кельсэ сермадозь пьесат. Аволь умок колхозной клубсо тонавтицяне колхозниктнэнь туртов невтиз Чесноковонь „Калдоргадсть ташто койтне“ пьесанть.

Мартонь 7-це чистэ ульнесь невтезь Петровань „Ташто койсэ“ пьесась.

Драмкружоконь члентнэ эсистерикелев яравсть задача, штобу колхозонть клубсо налксекшемс эзянь кельсэ сермадозь пьесат.

И. А. Ярославкин.

ПАРИЖСКОЙ КОММУНАСЬ

(ПЕЗЭ)

Ютасть зяряя иеть парижской коммунартнэнь героической емамоност мейле. Робочей классонть марто буржуазиянтъ эндо расправань методгнэ кадовсть секетне. Робочей классонть азаргадозь террорсо отвечась Бавариянь ды Венгриянь буржуазиясь 1919 иестэнтъ тосо советской республиканень тапамодост мейле. Робочейтнэнь верьсэ фашистнэ валызь ченень шкань Германиянтъ. Вереньция фашистской кисканть—генералонть Франконь расправань методонзо истят жо, кодат ульнесь версалецтнэнь прывтонть—Тьерэнь методонзо. Неень шкань фашистнэ—сетне палачтнэнь кондят жо, конат лепштитъ коммунарть.

Буржуазиясь, эсинэзэ емамонзо марязь, пролетарской революциянтъ икеле сорноз, пролетариатонть каршо бороямосонть ютавтни фашистской казям диктатура, физически махтни робочей классонть. Ней моли империалистической од войнань анокстамо весемастарлангонь пролетариатонть отечестванзо—СССР-нтъ каршо, те масторонть каршо, кона унаслед-

Социальной происхождения, имущественной положения ды икелень деятельности мотивтнэнь коряс СССР-нь гражданинэнь кочкамонь праваст саеманть коряс теветнэнь производствосо лоткавтомадо ды СССР-нь Союзонь ЦИК-ань центральной избирательной комиссиянтъ ликвидациядо СССР-нь Союзонь Центральной Исполнительной Комитетэнь президиумонть путовксозо

СССР-нь Союзонь Конституциянтъ 135-це статьяно коряс СССР-нь Союзонь ЦИК-енъ президиумось пугы:

1. СССР-нь гражданинэнь кочкамонь праватнесэ восстановлениядо весе теветнэнь, конатнэнь кедрьсэ сазельть неть праватне социальной происхождения, имущественной положения ды икелень деятельности мотивтнэнь коряс, производствасонть лоткавтомс.

СССР-нь Союзонь ЦИК-енъ центральной избирательной комиссиянтъ роботанзо ловомс прядозекс ды комиссиянтъ нолдамс.

2. Неть комиссиянтнэнь таркавал ликвидациядо союзной республи-

катнэнь ЦИК тнэнь сообщениянт примамс сведенияс.

3. Меремс СССР-нь Союзонь СНК итень колмо ковоень срок максомс СССР-нь Союзонь ЦИК-ентень кемекстамо СССР-нь Союзонь Конституциянтъ 135-це статьястонзо лисиця СССР-нь Союзонь законодательствасонть полавтовкстнэде путовксонь проект.

СССР-нь Союзонь Центральной Исполнительной Комитетэнь председателесь М. КАЛИНИН.
СССР-нь Союзонь Центральной Исполнительной Комитетэнь секретаресь И. АКУЛОВ.

Москов, Кремля.
1937 иень мартонь 14-це чл.

Аноксты тракторист

Чамзинкань МТС-сь 1937 иентъ аноксты 116 тракторист, конатнес-тэ трактористэкс тонавтиць 36 гейтерть.

Сынст эйстэ зяряя тракторист улитъ нолдазь тунда видеа шкантень.

И. Симдянов.



СНИМКАСОНТЬ: правительственной войскантнэнь боецэсь динамной бомбасонть потавты мадридской фронтсонть мятеж-никтнэнь танкань эцеманть.

ствовал Парижской Коммунарть героической традицияно, масторонть каршо, косо коммунистической партиянтъ ды ине вождень—Сталин ялганть ветямост коряс социализмась изнясь допрок ды бесповоротна.

Маштицянь, шпионь ды диверсантонь нулготьксэв троцкистской банданть лангсо судебной процессэсь невтизе, кодат средстват ды приемт фашизмась ды народонть врагтнэ—презренной троцкистнэ, зиньевецтнэ ды сынст лездыцтне правой контр-революционертнэ ютавтсть мирсэнтъ робочейтнэнь ды крестьянтнэнь васеньце госуларстанть каршо бороямосонть. Но фашизманть головной отрядонзо ды сонзэ прывтонть Иудушка Троцкоень кемемаст бажамост тапаз: войнань кирвастицтне лангс ливтезь, троцкистской бандатне тапаз ды кармить улеме тапсезь.

Советской моданть велыксэ гордойстэ лыйни Якстере Знамясь, конань кодемнеде ламо иеде теде икеле кепедекшизь парижской коммунарть, ды мирсэнтъ кодамояк вийсэ а сави лоткавтомс социализманть изнявкс-

марто икелев молеманзо. СССР-сэ социализманть изнявксозо, эксплоататорской класктнэнь машто-мась кеместэ ды аявовиксэ вейс пурнызь союзсонть эриця весе народтнэнь вейке семияс. Виев Якстере Армиясь вансты минек мирной трудовок, минек сюлавчинэк, мирсэнтъ сех демократической Сталинской Конституциянтъ. ...Коммунистической интернационалось икелев вети весе масторлангонь робочей движениянтъ славной героической традицияно: 1831 иестэнтъ английской чартистнэнь ды французской повстанецтнэнь; 1848 иестэнтъ французской ды немецкой робочейтнэнь революционертнэнь; Парижской Коммунарть а кулыця боейтнэнь ды мучениктнэнь: немецкой, венгерской ды финской революциянтнэнь а пелиця солдатост, икелень инязоронь деспотиянтъ робочейтнэнь—пролетарской диктатурантъ изнявкс марто кандыцтнэнь; китайской пролетарийтнэнь—Кантононь ды Шанхаенъ геройтнэнь славной героической трудицтнэ. („Коммунистической Интернационалонтъ программозо ды уставозо“, партиздат 1935 ие, 7-це стр.).



Кой-кона елень советнэ а явить кодам а мель ловнома кудонтень.

(СОЮЗФОТО.)

Испаниянь военной фронтнэсэ

Мадридэнь оборонань комитетэнь кулянзо коряс, мартонь 15-це ды 16-це читнэнь ютксо весэнтъ 24 чассто сазеь, мадридской фронтонть гвадалахарской ды харамской участкнэсэ эсть ульне кодаткак важной операцият. Гвадалахарань фронтсонть республиканской войскантне сермадзь войной снаряжениянтнэнь, конатнэнь кадызь итал войскантне. Бойтнэсэ, итал мольсть мартонь 14-це чиса республиканецтнэ сайсть плен 52 италянецт.

Мартонь 16-це чиса коштто бо-роиямсто мадридской фронтсо республиканецтнэ правтсть фашистской вейке самолет.

Мартонь 16-це чиса, вейке мятежникиктнэнь 3 самолета бомбардировась Барселонь портонть. Маштозь 4 лодка, ваяль 13.

(ТАСС.)

Республиканской армияв призывесэ

Маласо шкасто республиканской героической армиясь получи покш вий. Ней народной армиянтень тердевить 1932 иестэ сазеь 1935 иес призывной возрастнэнь запасной частьтне. Истя жо 1935 иень призывень од солдаттнэ.

Армиянтень призывдентъ республиканской правительстванть декретэзэ вастозь покш под'ем марто. Од ломаньтне массаю сермадстыть армияв. Мартонь 16-це чиса мобилизациянь васеньце чисэнтъ, призывной пунктнэс призываемойтнэнь общей числатонть састь 90 проценттэ ламо.

Барселонасо Каталониянь об'единенной социалистической партиянь (конань рядтнэс вейс пурнавсть коммунистической ды социалистической партиятне) 3000 активистнэ тейнесь демонстрация.

(ТАСС.)

Литкружоксонть эрситъ интересной занятия

Чамзинкань средней школасо литкружоксонть сеедьстэ эрситъ интересной лекцият. Литературань предметэнтъ коряс преподаватель Татьяна Сергеевна Ершова пек лезды литкружоконь роботасонть. Сон литкружковецтнэнь туртов тейнесь лекция А. С. Пушкинэнь творчествадонзо ды зрямонзо.

Н. С.

Отв. редакторось М. ЛЮПАЕВ